

Ro Ta Yudas Ibeede

¹ Nio Yudas, * mbesoonjo ki Yesu Krisi mi Yems tiziini.

Anbeede ro ti ima piom wal tau Tamanda Anutu iur leleene piom mi iboobo yom ma kewe lene kek, mi Yesu Krisi imborro yom na.*

² Munjainana, mi kampejana, mi mbotjana ambainana ta Anutu ikamam piti i, ko izze tiom ma biibi. Nonoono.

Yudas isope zin pizin wal pakamkaamjan

³ O niom wal tio, munju nio lelej anso anbeede sua piom pa ulaana ki Anutu ta itijan zanda pa be takam. Tamen buri na, anre kembei nio bela anbeede sua toro piom, mi anpombol yom be koporou mboljana pa sua ta iti tuurla na. Pa iti ta tewe Anutu wal kini potomjan na, ni iur sua tana imar namanda pataana kek be tomboro mi matanda pa.*

⁴ Pa wal pakan ta titoto Anutu zaala kini som na, tima mi tigabgaaba yom sorok, bekena tiyaaru yom ma koto zin pa ngar kizin. Mi niom kikilaala zin som. Yesu Krisi, ni itutamen ta Biibi kiti mi Merere kiti. Tamen wal pakamkaamjan tana tipizil ndemen pini kek. Mi tipingisngis sua ki Anutu ma tizzo ta kembei: Sombe takam sanaana, ina koron sorok. Pa Anutu ko imunai iti. Sua kizin tana iwe uunu pizin be tisu mi tikam mbulu

* **1:1:** Yudas ta ibeede ro ti, ni Yudas Iskariot som. Ni Yudas toro ta Yesu tiziini na. ✧ **1:1:** Mt 13:55; Yo 17:11+; 1Pe 1:5 ✧ **1:3:** Pil 1:27; 1Tim 6:12; 2Tim 1:13

bozboozo. Wal tana, tibeede kan sua ta mun̄gu kek ta kembei: Anutu kola iur kadoono pizin ma tila len.✧

Mbulu pakan ta mun̄gu ipet, ta iswe kembei Anutu iurur kadoono pizin wal sanan̄jan

⁵ Mun̄gu, Merere ikamke zin Israel ma tizem Aikuptu, mana kaimer isu mi ipasaana wal kizin pakan ta tiurla kini som, mi tizoori na. Sua tin̄gi popon̄jana piom som. Niom kuute lup kek. Mi in̄gi an̄so an̄pei n̄gar tiom pa mini.✧

⁶ Mi kakam n̄gar pizin an̄ela ta mun̄gu tizooro ma titop na. Zin lelen be tiur nin mi tikam uraata biibi ta zan pa na som. Tanata tizem zitun murin mi tila len. Uunu tina ta Anutu izeebe zin lela zugut leleene, mi ipo zin pa re tabe imbot ma alok i, be timbotmbot mi tinamnaama nol biibi tabe tikam kat kadoono kizin i.✧

⁷ Mi Sodom ma Gomora raama kar pakan ta tigarau zin na, ta kembena. Zin tizem kat zitun pa mbulu sanan̄jana ki kulindi, ta irao pa iti tomtom n̄gar kiti som. Tana mbulu ta ipet pizin, ina iwe kin pa mbulu tabe ipet pizin wal sanan̄jan i. Pa wal ta kembei ko tila len pa you sanan̄jana tabe imbotmbot ma alok i. Irao imap na som.✧

Mbulu kizin wal pakamkaam̄jan

⁸ Zin wal ta tiso tipakaam yom na, titoto mbulu tamen tau. Zin tin̄geeze pa Anutu mataana som kat. Pa miun̄jana kizin soroksorok, ta ipombolmbol zin ma tikamam mbulu sanan̄jana ki kulindi

✧ **1:4:** Tit 1:16; 2Pe 2:1 ✧ **1:5:** Kam 12:50; Nam 14:29+; Mbo 106:19+; 1Kor 10:5; Ibr 3:17+ ✧ **1:6:** 2Pe 2:4,9; Tur 20:10 ✧ **1:7:** Un 19:1+; 2Pe 2:6,10

kembeï ta me ma nge. Mi tirepilpiili Anutu mi zin peeze kan kini, mi tiwirri sua sananɲana pizin aɲela ta zanɲan mi mburanɲan na.✠

⁹ Mi kere. Mikael, ni aɲela mataana kana. Tamen indeeɲe ziru Sadan tiparzooro pa Mose putuunu na, ni ipiri sua sananɲana sa pa Sadan som, mi iyaambi som. Iso men ta kembeï: “Ambai. Ingi koronɲ tio som. Merere itunu ko iyaambu.” †✠

¹⁰ Tamen wal tana na, tiwirri sua repiilinɲana pa koronɲ ta zitun tikankaana pa. Zin len ngar ambainɲana sa som. Ngar ta titoto, ina kembeï ta zin mbili. Tanata tikamam mbulu tabe ipasaana zin ma tila len.✠

¹¹ Wal tana, tembel zin kek. Pa zaala ki sua ɲonoono na, tizem kek. Mi ingi zaala ki Kain ta titoto i. Zin lelen ilip pa pat, mi tiyaryaaru Anutu wal kini pa mbulu bozboozo kembeï ta muɲgu Biliam ikam na. Mi tizorooro zin peeze kan ki Anutu kembeï ta muɲgu Kora ikam na. Tana Anutu kola ipasaana zin ma tila len kembeï ta Kora na.✠

¹² Wal pakamkaamɲan tana, mbulu kizin sa inɲeeze pa Anutu mataana som kat. Tamen niom sombe kulup yom pa kini kanɲana mi sunɲana, na zin lelen be tigaaba yom. Timoto som, kan miaɲ pa mbulu kizin som. Mi so timar, na tikanan ma tiwinin, mi len nger pa wal pakan som. Tabe tipasansaana lupɲana tiom. Zin mboronɲan ambainɲan som. Pa tipututu zin sipsip som, mi matan

✠ **1:8:** 2Pe 2:10 † **1:9:** Sua ti imbot la Sua Matamur som. Imar pa buk muɲgunɲana toro kizin Yuda. ✠ **1:9:** Lo 34:6; Sek 3:2; 2Pe 2:11+ ✠ **1:10:** 2Pe 2:12 ✠ **1:11:** Un 4:3+; Nam 16:1+, 22:1+; 2Pe 2:15; 1Yo 3:12

injalngal zitun men. Mi zin kembei miiri tieene ta tere ma toso ko yan isu. Mi som. Miiri iwilaala ma ila ne. Zin kembei ke ta iurur nonoono som mi imeete kek, tabe tomtom titaara, mi tipiri sala you ma ikan ma ila lene. Munngu zin kembei wal meetejan, mi ingi timeete mini ma iwe ru pa.✧

¹³ Zin kembei duubu ta ipol sala peende mi ikel musmuuzu ma ise. Pa tipeyei mbulu sananjanana tabe iti takam, so kanda mian biibi pa. Mi zin kembei pitik ta tito zalan som, mi tipanjobnoobo. Anutu iurpe len murin ndabokjanana kek be timbotmbot pa ma alok. Lele tana na, zugut mandin muriini.

¹⁴ Iti tuute. Adam poponjana kini tiparpekel pa lamata mi ta, to Enok ipet. Mi Enok tina, ni iwe Anutu kwoono mi iso sua pa mbulu tabe ipet pa wal pakamkaamjan tana. ‡ Sua ta kembei:

Kere. Merere kola imar raama zin anjela kini potomjan ta munjana ma munjana men,

¹⁵ be itiiri tomtom ta boozomen pa mbulu kizin. Mi zin wal ta tizorzooro Anutu na, ni kola iur kadoono pizin pa zorojana kizin ta boozomen, mi sua sananjan boozomen ta tiwirri pini na.✧

¹⁶ Wal pakamkaamjan tana, gorgori lenen ambai pa mboti kizin som. Tanata tiyyo kwon pizin tomtom, mi tikamam sua boozo. Mi titoto zitun lenen sananjanana, mi tipakurkur zitun, mi kwon mbesmbeeze pizin tomtom, bekena tikam lenen mi tiwatke len koron kizin.✧

✧ **1:12:** Mt 15:13; 1Kor 11:20+; Ep 4:14; 2Pe 2:13,17 ‡ **1:14:** Sua ti imbot la Sua Matamur som. Imar pa buk mungunjana toro kizin Yuda. ✧ **1:15:** Un 5:21+; Mbo 31:18, 94:4+; Mt 25:31+; 2Tes 1:7,10; Tur 1:7 ✧ **1:16:** Mbo 73:8+; 2Pe 2:18

Sua tutɲana pakan

17 O niom wal tio, motoyom ingal sua ta munɲu zin ŋgonɲana ki Merere kiti Yesu Krisi tiso pa mbulu tabe ipet pa kaimer i.✧

18 Pa tiso ta kembei: “Mazwaana kaimer kana isombe ipet, to tomtom kola tizem zaala ki Anutu, mi titoto zitun lelen sananɲana, mi tikamam sua repiilinɲana pa Anutu.”✧

19 Mi ina zin wal tau Bubunɲana imbot la lelen som, mi tirekreege lupɲana tiom ta ki Krisi i, mi titoto ŋgar ki toono men.✧

20 Mi niom wal tio, kemender se urlanɲana potomɲana kat ta Anutu ikam piom na, mi kaparpombolmbol yom. Naso urlanɲana tiom izze ma imbol. Mi niom sombe kusun, na bela Bubunɲana Potomɲana ikam peeze piom pa sunɲana tiom.✧

21 Mi mbulu ki Anutu ta iurur leleene piti na, bela ikamam peeze piom, mi kazza Merere kiti Yesu Krisi be imuɲai yom, mi ikam yom ma kombot motoyom yaryaara ma alok.✧

22 Zin wal ta so urlanɲana kizin imbol som mi lelen iwe ru na, kumuɲai zin.

23 Mi wal tiom pakan na, timbot la sanaana leleene kek. Zin kembei ke ta imbot sala you, mi you ikanan. Tana loɲa mi katatke zin pa mbulu tana. Mi wal pakan na, ŋgar sananɲana ki kulin ipasaana kat zin, kembei mburu ta mbasirsir ise ma kuziini ma isaana kat. Wal ta kembei na, kumuɲai zin raama motoɲana. Kokena tikeske

✧ **1:17:** 2Pe 3:2 ✧ **1:18:** Nɲo 20:29; 1Tim 4:1; 2Tim 3:1; 2Pe 2:1, 3:3 ✧ **1:19:** 1Kor 2:14+ ✧ **1:20:** Kol 2:7; 1Tes 5:11 ✧ **1:21:** 1Kor 1:7; Tit 2:13

yom. Mi mbulu kizin sananɲana tana na, kuur koi pa.☆

Sua pombolɲana

²⁴⁻²⁵ Anutu tau ulaaɲa kiti i, ni itutamen ta Anutu ɲonoono mi king biibi, mi ilip pa koron ta boozomen. Ni irao be imboro yom ma kotop som, mi ikam yom ma kala kombot lela azunɲa kini leleene isu kereene uunu raama leleyom ndabok kat. Pa ni ko ikam ma leynom uunu sa isaana som. Ni zaana mi mburaana biibi. Mi ni imborro koron ta boozomen. Munɲu kat, indeeɲe kosa sa ipet zen na, ni imbotmbot ta kembei. Mi koozi tomini, ni imbotmbot ta kembei. Mi ko imbotmbot ta kembei ma alok. Tana iti tapakuri pa Merere kiti Yesu Kresi zaana. Nonoono.☆

☆ **1:23:** 1Kor 3:15; Yems 5:19+ ☆ **1:24-25:** Mbo 37:24; Ro 16:25+; 1Kor 1:8; Ep 3:20; 1Pe 5:10+; 2Pe 3:14,18

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593